

Prilijeno: 17.07.2002.g.		
Org. jed.	Broj	Rednost
02/1-011-748/02		

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA

Ustavno-pravna komisija

Broj: 02/1-011-748/02

Sarajevo: 17.07.2002.god.

ZAPISNIK

sa 23. sjednice Ustavno-pravne komisije Doma naroda Parlamentarne skupštine Bosne i Hercegovine, održane 17.07.2002.god.

Sjednica je počela sa radom u 10:00 sati.

Sjednici su prisustvovali članovi komisije: Ibrahim Spahić, Šefik Džaferović, Nikola Špirić, Ivo Živković i Niko Sušac. Sjednici nije prisustvovala član komisije Dragutin Rodić koji je opravdao izostanak.

Pored članova komisije sjednici su prisustvovali savjetnik predsjedavajućeg Vijeća ministara BiH, savjetnik zamjenika predsjedavajućeg Doma naroda Ivo Andrić, kao i sekretar Ustavno-pravne komisije Doma naroda Aljoša Čampara.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Ibrahim Spahić. Za sjednicu je predložen i jednoglasno usvojen sljedeći

DNEVNI RED:

1. Usvajanje Zapisnika sa 22. sjednice Ustavno-pravne komisije Doma naroda;
2. Zakon o veterinarstvu u BiH – predlagač Vijeće ministara BiH;
3. Zakon o izvršnom postupku pred sudom BiH – predlagač Vijeće ministara BiH;
4. Zakon o gradu Sarajevu, glavnom gradu BiH – predlagač delegat Ibrahim Spahić;
5. Zakon o Agenciji za rad i zapošljavanje BiH – predlagač Vijeće ministara BiH;
6. Zakon o upotrebi i zaštiti naziva BiH- predlagač Vijeće ministara BiH;
7. Zakon o izmjenama i dopunama Zakona o Vijeću ministara BiH i ministarstvima BiH- predlagač delegat Ibrahim Spahić;
8. Zakon o zadrugama BiH – predlagači delegati: Tokić Sejfudin, Nikola Špirić i Ilija Šimić;
9. Zauzimanje stava oko pitanja sticanja državljanstva prema osobama koje su bile pripadnici oružanih snaga BiH nakon 15.12.1995., a koje je uputilo Ministarstvo civilnih poslova komunikacija BiH Ustavno-pravnoj komisiji Doma naroda;
10. Tekuća pitanja.

Ad.1. Usvajanje Zapisnika sa 22. sjednice Ustavno-pravne komisije Doma naroda.

Zapisnik sa 22. sjednice Ustavno-pravne komisije Doma naroda Parlamentarne skupštine BiH usvojen je jednoglasno, bez primjedbi.

Ad.2. Zakon o veterinarstvu u BiH – predlagač Vijeće ministara BiH

U raspravi o ovoj tački dnevnog reda niko nije učestvovao. Komisija je jednoglasno u osnovnom zakonodavnom postupku komisijske faze odlučila da je zakon podnešen od ovlaštenog predlagača i da je u skladu sa Ustavom BiH, te ga upućuje u dalju poslovničku proceduru.

Ad.3. Zakon o izvršnom postupku pred sudom BiH – predlagač Vijeće ministara BiH

Komisija je u osnovnom zakonodavnom postupku komisijske faze sukladno odredbama Poslovnika Doma naroda član 78.2. I 79.1., jednoglasno konstatovala da je zakon podnešen od ovlaštenog predlagača i da je u skladu sa Ustavom BiH.

Ad.4. Zakon o gradu Sarajevu, glavnom gradu BiH – predlagač delegat Ibrahim Spahić

U raspravi o ovoj tački dnevnog reda učestvovali su svi članovi komisije. Tri amandmana na zakon uložio je delegat u Domu naroda Ilija Šimić koje su članovi komisije većinom glasova prihvatili i koji su postali sastavni dio teksta zakona, koji komisija dostavlja Domu naroda u dalju parlamentarnu proceduru.

Amandman I

U članku 2. iza riječi “jedinствена” I “zajednica” brišu se zarezi, a iza riječi “zajednica” dodaje se slovo “i”.

Amandman II

U članku 9. tačka 8. iza riječi “kultura” dodati riječi “i sport” .

Amandman III

U predloženom članku 12. alineja 14. iza riječi “organa” dodati riječi “u predmetima”, a ispred podnaslova “ 1. Gradsko Vijeće” staviti “ Članak 13.”, te ispred podnaslova “2. Gradonačelnik” staviti “članak 14”. Dosadašnji članci 13.,14.,15.,16.,17.,18.,19. i 20., postaju člancima 15.,16.,17.,18.,19., 20., 21. i 22.

U istom članku iza posljednjeg stavka teksta s podnaslovom “2. Gradonačelnik” dodati novi stavak koji glasi: “Gradska uprava obavlja stručne i administrativne poslove za potrebe organa Grada I za vršenje funkcija iz nadležnosti Grada”

Ad.5. Zakon o Agenciji za rad i zapošljavanje BiH – predlagač Vijeće ministara BiH

U raspravi o ovoj tački dnevnog reda niko od članova komisije nije učestvovao. Pet amandmana na Zakon uložio je delegat Ilija Šimić, od kojih su četiri usvojena I postali sastavni dio teksta zakona koji Ustavno-pravna komisija Doma naroda upućuje u dalju parlamentarnu proceduru prema Domu naroda. Komisija je kao nadležna komisija u osnovnom zakonodavnom postupku komisijske faze jednoglasno prihvatila Zakon sa sljedećim amandmanima koji su postali sastavni dio teksta zakona:

Amandman I

Članak 2. mijenja se I glasi: “ Agencija obavlja administrativne I druge stručne poslove iz oblasti rada I zapošljavanja u okviru djelokruga utvrđenog zakonom, ako ti poslovi nisu stavljeni u nadležnost entiteta I Brčko Distrikta BiH.

Amandman II

U članku 6. stavak pod b) mijenja se i glasi : “Kordinira aktivnosti sa entitetskim vlastima I entitetskim zavodima za zapošljavanje u vezi zapošljavanja u projektima od interesa za BiH”.

U stavku c) riječ “da” briše se.

Amandman III

Članak 13. mijenja se I glasi:

“Savjetodavni odbor Agencije sačinjavaju po jedan predstavnik entitetskih vlasti I Distrikta Brčko BiH, te tri člana koje predlaže Ministarstvo civilnih poslova I komunikacija. Direktor Agencije I njegov zamjenik I direktori entitetskih zavoda za zapošljavanje po funkciji

sudjeluju u radu Savjetodavnog odbora bez prava odlučivanja o pitanjima koja se odnose na rad Agencije”.

Amandman IV

Članak 15. mjenja se I glasi: “Sredstva za rad Agencije utvrđuju se u Budžetu institucija BiH”.

Ad.6. Zakon o upotrebi i zaštiti naziva BiH- predlagač Vijeće ministara BiH

U raspravi o ovoj tački dnevnog reda niko nije učestvovao I komisija je jednoglasno prihvatila tekst zakona i upućujega Domu naroda u dalju proceduru.Amandmana na tekst zakona nije bilo.

Ad.7. Zakon o izmjenama i dopunama Zakona o Vijeću ministara BiH i ministarstvima BiH- predlagač delegat Ibrahim Spahić

Ustavno-pravna komisija Doma naroda je raspravljala ovaj zakon kao nadležna komisija u skladu sa članom 79.2.Poslovnika Doma naroda. Amandman na tekst Zakona uložio je delegat Niko Sušac koji je komisija prihvatila većinom glasova i koji glasi: “Vijeće ministara BiH sastoji od šest već postojećih ministarstava”. Nakon glasanja o amandmanu komisija se izjasnila o integralnom tekstu zakona sa usvojenim amandmanom i sa većinom glasova protiv zakon nije prihvaćen u osnovnom zakonodavnom postupku komisijske faze.

Ad. 8. Zakon o zadrugama BiH – predlagači delegati: Tokić Sejfudin, Nikola Špirić i Ilija Šimić

U raspravi o ovoj tački dnevnog reda niko nije učestvovao I komisija je jednoglasno prihvatila tekst zakona I upućujega Domu naroda u dalju proceduru.Amandmana na tekst zakona nije bilo.

Ad.9. Zauzimanje stava oko pitanja sticanja državljanstva prema osoboma koje su bile pripadnici oružanih snaga BiH nakon 15.12.1995., a koje je uputilo Ministarstvo civilnih poslova komunikacija BiH Ustavno-pravnoj komisiji Doma naroda

U raspravi o ovoj tački dnevnog reda učestvovali su svi članovi komisije.Komisija je zauzela sljedeći stav sa tri glasa Za (Špirić, Sušac,Živković), jednim Protiv (Džaferović) I jednim Suzdržanim (Spahić) da prijem lica u BiH državljanstvo nakon potpisivanja Dejtonskog sporazuma, a po osnovu učešća u oružanim snagama BiH shodno tadašnjem važećem Zakonu o državljanstvu R BiH nije validan I pravno valjan.Komisija je odlučila da se ovaj stav uputi Domu naroda na dalje razmatranje.

Ad.10. Tekuća pitanja

Pitanja nije bilo.

Komisija je završila sa radom u 12:00 sati.

Sekretar komisije
Aljoša Čampara s.r.

Predsjedavajući Komisije
Ibrahim Spahić s.r.